

TAMSIRT TIS UKUZ

Taydiwin tigejdanin n tesniremt

Tikti yef teydiwin n tesniremt deg kra n tmura

Tayda i s-yettunefken i tesniremt, temgarad almend n talliyin d tmura n umaɗal.

1- tasniremt yuyden yer tesnilest

Iswi-ines d asegnu n yirman deg tussniwin akked tayulin-nniɗen. Tban-d deg yimahilen n Eugen Wüster.

2- tasniremt yuyden yer tsuyelt

Ad tt-naf deg tuddsiwin tigraylanin akked tmura ilan aɗas n tutlayin tunsibin.

3- tasniremt yuyden yer useggem amutlay

Tasniremt d allal yettawin yer usemres n tutlayt deg yal tayult. D tayda-ya i s-fkan i tesniremt n tefransist (Kibek), tin n tbaskit d tkaɗalunit (Spenyul).

1.4. Taydiwin tigejdanin n tesniremt

Mgaradent tmura deg wayen yerzan amkan i tet̄tef tesniremt d teyda i s-fkant i urmud-a. Tayda n tesniremt tetteddu almend n tmella tasertant-tadamsant akked tmella tamutlayt n yal tamurt. Tetteddu day almend n yiswiyen i s-yettunefken i tesniremt. Yiwen umesnirem am Pierre Auger (Cabré 1998, sb. 37-39) yeb̄da tuddsa d yirmad n tesniremt deg tmura n umaḡal almend n kradet n tsekkiwin :

1.4.1. Tasniremt yuyden yer tesnilest

Deg unekmar asnilsan, tasniremt ttwalin-tt d allal n taywalt d usenfali. Tayda-ya tban-d zik deg umezruy n tesniremt. Tuḡ-d aḡar deg yimahilen imezwura n Eugen Wüster. Ad tt-naf tufrar-d deg yirmad n tesniremt n tmura n Lurup Talemast (Lalman d Luṭric) akked Lurup n Usamer (Rruss d tmura i s-d-yezzin). Tbedd ḡef umenzay n usegnu n yirman. Ama deg unnar ussnan ney deg tayulin-nniḡen (tadamsa, idles, tadbelt,...), asegnu ila azal d ameqqran imi yessifsus taywalt. Iswi n usegnu n yirman d tmiḡranin, d tukksa n wuguren n taywalt i d-ttmaggaren yimassanen ney imeskaren deg tayulin-nsen tuzzigin.

1.4.2. Tasniremt yuyden yer tsuyelt

Deg tmura yessemrasen snat n tutlayin tunsibin ney ugar, am Kanada, Bilgik, Sswis..., armud asnirman yeqqen aḡas yer tsuyelt. Deg tmella-ya, tasniremt tekkat ad d-taf tifat i wuguren n usuyel deg wayen yerzan aswir n umawal (irman uzzigen). Tasniremt yuyden yer tsuyelt, d tin day i ḡefrent tuddsiwin tigraylanin (Agraw n Tmura Yedduklen, Unesco, Oms, Omc...) imi tasniremt d aferdis agejdan deg usuyel n yiḡrisen (gar-asen iḡrisen unsiben/izerfanen) seg tutlayin yer tiyaḡ.

1.4.3. Tasniremt yuyden yer useggem amutlay

Tayda tis kradet tban-d deg yiseggasen 1970 deg tmura ideg kra n temyiwanin timutlayin srant ad fkent azal i tutlayin-nsent. Timyiwanin-a (am tefransist deg temnaḡt n Kibek deg Kanada ney tkatalunit d tbaskit deg tmurt n Spenyul) sbeddent-d isenfaren n useggem amutlay i s-yefkan azal ameqqran i tesniremt. Deg tmuyli n wid yekkatn ad bedden aḡayer d twuriwin i tutlayin-nsen, tasniremt d allal ara tent-yeskecmen deg yal tayult n tudert tartart. Ḥur-sen, war tasniremt, ur nezmir ara ad nessemres tutlayt deg yal tagnit n taywalt.

Timgardiwin yellan gar teydiwin γef i d-nemmeslay da safella, ttbinent-d day s umata deg yiferdisen i d-ikeččmen deg yimahilen d tuddssa n tesniremt n yal yiwet deg-sent (Cabré 1998, sb. 43) :

- deg yiswi n umahil asnirman;
- deg tesnarrayt d unadi asnirman;
- deg yimeskaren d wid iqeddcen deg urmud asnirman;
- deg yifarisen isnirmanen.